

大名府志

大名府志卷之二十一 目錄

藝文

制

誥

奏疏

附祭告文

唐德宗授薛平鄭滑節度使制

唐德宗授劉洽檢校司空充諸道兵馬都統制

唐德宗贈李澄司空制

唐憲宗授柳傑等充鄭滑節度推官

唐憲宗授楊孝直滑州長史制

唐憲宗授劉悟滑州節度使制

唐武宗授盧宏正等徐滑節度使制

唐武宗授李業鄭滑節度使制

漢肅宗皇帝詔

宋徽宗封豐澤廟康顯侯誥

漢光武帝戒馮勤璽書

唐德宗賜田悅鐵券文

陸贄

明成宣伯王越鐵券文

宋真宗澶淵誓書

附契丹誓書

陳宣帝祭比干廟文

明太祖祭商中宗陵文

明憲宗祭商中宗陵文

明孝宗祭商中宗陵文

明神宗祭商中宗陵文

明莊烈帝祭商中宗陵文

上靈帝封事

謝弼

讓申屠蟠

蔡邕

露布上書

李雲

上順帝書

楊倫

上皇帝書

李彪

訟李獎書

宋游道

上代宗書

高郢

上眞宗皇帝書

柳開

上眞宗皇帝書

王顯

上眞宗皇帝書

王顯

肉刑奏

杜林

上肅宗表

李崇

辭官歸滑表

李邕

進龍馬表

李邕

願代滑州刺史李邕死表

孔璋

賀滑州黃河清表

貞元十四年五月十五日

權德輿

辭官表

李聽

謝澶州僉判表

程顥

謝罷中書舍人表

鼂說之

上皇太后奏

傅堯俞

郊祀制議

杜林

請諡廬口貞烈議

獨孤及

疏漳議
漳水議

陳所志
路趨光

日食對

杜鄴

訛言行籌對

杜鄴

條突厥可取狀

張公謹

論修六塔河第一狀

歐陽修

論修六塔河第二狀

歐陽修

論修六塔河第三狀

歐陽修

上天后疏

郭振

上天后疏

郭振

陳時政疏

盧懷慎

治河疏

賈讓

彈義成軍節度使李聽疏

周太元

辭免河北四路安撫使

韓琦

再辭免河北四路安撫使

韓琦

論朋黨疏

劉安世

治河疏畧

蘇轍

論章惇強買田產疏

劉安世

上神宗皇帝論洳河疏

李化龍

請新政理疏

石星

劾魏璫疏

楊紹震

嚴飭督臣勿恃封貢疏

耿隨龍

災變陳言疏

王永光

息訟寧民疏

朱允顯

弭盜安良疏

劉元濬

請開經筵疏

錢綰

畿南三累疏

楊素蘊

論乞止絕河北伐民桑柘劄子

歐陽修

謝修卞忠貞墓啟

卞彬

大名府志卷之二十一

藝文

雜文

唐德宗授薛平鄭滑節度使制

門下武牢以東至於白馬形制之地水陸之會宜擇
文武兼備者以爲守臣右衛將軍薛平自司禁旅爲
我爪牙訓整警巡能宣其力常使於絕國可謂有勞
嘗牧於大郡亦聞有政况忠厚爲質通明爲用秉吏
道之刀尺襲將門之弓裘可以爲三軍之帥可以理
千乘之賦俾輟才於北路往接節於東方爾其式遏

四封輯寧百衆明簡稽以實軍旅信賞罰以勸吏人
勉率乃職無忝厥命仍以冬卿副相兼而寵之可檢
校工部尚書御史大夫鄭滑潁等州節度使觀察處
置等使

唐德宗授劉洽檢校司空充諸道兵馬都統制
論道經邦允歸碩望建牙統衆必藉雄才中外具瞻
安危注意今以二柄付之元臣開府儀同三司檢校
尚書左僕射同中書門下平章事持節宋州諸軍事
兼宋州刺史充宣武軍節度營田宋毫潁等州觀察
處置等使仍權知汴滑宋毫潁等州都統兵馬事懷

德郡王劉洽秉志端亮飭躬簡儉博厚足以容衆和
易足以長人純孝榮親盡忠事國分我閭寄殿於大
藩扼制淮夷保障楚甸戎捷繼至軍聲再揚殪羣兇
於宛丘驅大憝於梁野控引漕輓委輸京師予嘉乃
勲猷懋乃貞節用錫丕命俾揚洪休爰贊三台紀綱
羣帥式是大任爾惟欽哉可檢校司空同中書門下
平章事依前宣武軍節度使度支營田宋亳等州觀
察處置等使仍充宋亳穎等州管內諸軍兵馬都統
散官勲封如故

唐德宗贈李澄司空制

旣明且哲以保其身求之昔賢鮮克全備良以謀始
匪易慎終尤難其有志奉公家力輔王室見危而立
節將沒而陳誠操尚堅明謀猷深遠憂國無忘於顛
沛周身不離於令名有臣如此可以旌勸故義成軍
節度滑鄭等州觀察處置刺史御史大夫上柱國武
威郡王李澄天授將材勇而多智臨危不懼見義必
爲崎嶇險艱勲節兼著勤於廣業曾未遑安帶甲臨
戎連年野處積勞成瘁霜露所侵瘠疾攻中癰疽發
外迨茲病亟不替忠誠憂國疚懷戀闕流涕懼軍戎
之乏帥念方鎮以爲虞上表披陳懇求代免辭情激

切備慮精深視之感傷當與嘆雖史魚之陳尸納諫吳漢之在疚獻謀比方於此不足多尚天胡不容奪我良帥惻然嗟悼用切深哀始終存義澄實有之褒美飾終是宜加等可贈司空賜錦五百段米粟三百石以左散騎常侍歸崇敬充使弔祭所緣喪葬並准式官仍以澄上表宣付史館以彰忠節

唐憲宗授柳傑等充鄭滑節度推制

勅試太子司議郎柳傑等古者公府得自選吏屬今仍古制亦命領征鎮者必先慎而後升聞矧鄭滑帥承元輸忠伏順炳焉有大節於國奉其上蒞其下實

藉寮案以左右之而傑等或緣飾詞華或貯蓄材行揣摩思試以待已知宜振籌謀用光慰薦傑等可某官充滑鄭節度推官巡官等

唐憲宗授楊孝直滑州長史制

勅楊孝直早以材力從戎冀方專習五經通知吏事承元移鎮孝直實來詢謀驅馳有所裨助軍郡之佐寵秩非輕用荅忠勞以明勸獎可滑州長史

唐憲宗授劉悟滑州節度使制

門下王者驅大順以道至和不能無狡寇天將廓殄氣以息暴亂則必有忠臣非處迷何以明其勁節非

嘉獎何以表其尤功况討罰之初詔命斯著高懸寵
簡獲則當之淄青都知兵馬使金紫光祿大夫試殿
中監察御史上柱國劉悟忠孝之後義勇爲心久淪
跡而未伸每蓄謀以思奮屬姦兇負阻將帥徂征宣
威已震於河山肆逆猶固其巢窟遂能潛通密款先
事指期決策於萬衆之中挺身於重城之內感深而
言誓若一氣直而神明爲徒梟彼渠魁殲厥醜類乃
飛章以馳獻繫大慶之遐聞臨軒載懷是舉斯命眷
彼雄鎮惟茲滑臺有二郡察俗之殷其人勁而剛有
三軍制節之重其士毅以肅俾膺分闡式委觀風起

昇題劍之名所以崇其望廉假弄印之任所以峻其威疏封廣載其土田直食爰優其戶賦仍加厚賜用示深恩高門大啟於通衢別墅榮分於沃野凡是賞典稱乎國章於戲在昔天寶季年羯胡首難惟悟之祖職居平虜能戮賊臣竟通朝命賜名以旌其忠授鉞以仗其材今悟又能除奸可謂濟美勉持忠孝以保家邦可檢校工部尚書使持節滑州諸軍事

唐武宗授盧弘正等徐滑節度使制

門下彭城故壤南據長淮涓臺重鎮昔稱巖邑建牙謀帥於是攸難合得全才式光並命義成軍節度使